

## Բայրենը պատրաստվում է մեծ պատերազմի ԱՌՎԱԿ կենտրոնի մեկնաբանությունը, 02.02.2024թ.

2024 թ. հունվարի 28-ին Սիրիա-Հորդանան սահմանին գտնվող ամերիկյան բազայի վրա անհայտ ԱԹՍ-ի հարձակումից հետո միջազգային հանրությունը քարացել է՝ անհանգստությամբ սպասելով ԱՄՆ-ի պատասխան քայլերին, որոնք կարող են Իրանի դեմ համապարփակ պատերազմի խթան դառնալ: Պաշտոնական Վաշինգտոնը, առանց վարանելու, անմիջապես մեղադրեց Թեհրանին՝ իր կամակատարների միջոցով այս հարձակումը կազմակերպելու մեջ, և հայտարարեց պատասխանի անխուսափելիության մասին:

Վերջին մի քանի օրերի ընթացքում ԱՄՆ-ի նախագահ Զո Բայրենն արդեն մի քանի անգամ խոսել է Պենտագոնի առջև դրված «պատրասխան գործողություն» մշակելու առաջադրանքի մասին: Պետքարտուղար Է. Բլինկենը, իր հերթին, նույնպես հաստատել է Սպիտակ տան վճռականությունը՝ արձագանքելու «իրանական սադրանքին», սակայն ընդգծել է, որ ԱՄՆ-ի պատասխանը կարող է լինել «բազմաստիճան, տեղի ունենալ փուլերով և լինել տրակական»: ԱՄՆ-ի ռազմական գերատեսչության ներկայացուցիչներն ավելի սակավախոս են, ինչը հասկանալի է: Հունվարի 30-ին ամերիկյան հեղինակավոր Politico հանդեսը, վկայակոչելով իր աղբյուրները, հայտնել է, որ Պենտագոնը դիտարկում է Իրանի դեմ «պատրասխան հարվածի» մի քանի տարբերակներ: Խոսքը, մասնավորապես, Սիրիայում կամ Իրաքում իրանցի զինվորականների կուտակումների վրա հարձակման, կամ էլ՝ Պարսից ծոցի շրջանում կենտրոնացած իրանական նավատորմի վրա զանգվածային հարված հասցնելու մասին է:

Բոլոր դեպքերում, Թեհրանը, համոզվելով, որ Վաշինգտոնը չի հավատում իր հավաստիացումներին, թե՛ ինքը մասնակից չէ ամերիկյան բազայում տեղի ունեցած պայթյունին, անմիջապես իր զինված ուժերը բերել է մարտական բարձր պատրաստության վիճակի, իսկ ՀՕՊ-ի համակարգերը՝ առավելագույն մարտական պատրաստության:

Տազնապալի սպասման այս ֆոնին շատ ամերիկացի վերլուծաբաններ հակված են կարծելու, որ ամերիկյան բանակի լայնածավալ գործողությունը ձեռնառու չէ Զ. Բայրենի և նրա թիմի համար՝ ԱՄՆ-ում ծավալվող դրամատիկ նախընտրական մրցավազքի և Դաշնության մայրաքաղաքի դեմ առանձին նահանգների դեմարշի լույսի ներքո՝ «Տեխասի ճգնաժամի» համատեքստում: Ենթադրվում է, որ դա կարող է ամբողջությամբ ոչնչացնել հաջորդ քառամյա նախագահական ժամկետում իշխանությունը պահպանելու դեմոկրատների հնարավորությունները, քանի որ արդեն իսկ նյարդայնացած ամերիկյան հասարակությունը կարող է դժգոհությամբ պատասխանել Մերձավոր Արևելքում ԱՄՆ-ի հերթական ռազմարշավին:

Ըստ վերլուծաբանների՝ Բայրենի թիմը քաջատեղյակ է, նաև կասկածում է, որ տեղի ունեցածը դավադրություն է ամերիկյան բազայի նկատմամբ՝ միտված երկիրը

